

Ordinaziun davart ils dis da ruaus publics e davart ils temps d'avertura dallas stizuns

En completaziun dalla lescha cantunala davart ils dis da ruaus publics (lescha dils dis da ruaus) dils 22 da settember 1985 e sebasond sin artechel 3 dalla constituziun communal da dils 15 da mars 1991, relai la vischnaunca da Laax suandonta ordinaziun.

Art. 1

- ¹ Sper ils dis da ruaus publics numnai en artechel 2 dalla lescha da dis da ruaus, numnadamein las dumengias ed ils firaus Darniev, Venderdis sogn, gliendisdis Pastgas, Anceinza, gliendisdis Tschuncheismas, 1. d'uost, di da Nadal e di da s. Stiafen valan ella vischnaunca da Laax sco ulteriurs dis da ruaus locals:
S. Giusep ils 19 da mars;
Sontgilcrest (diesch dis suenter Tschuncheismas);
Nossadunna d'uost ils 15 d'uost;
Numnasontga igl 1. da november.
- ² Sco firaus religios valan Venderdis sogn, dumengia da Pastgas, dumengia da Tschuncheismas, Rogaziun federala e di da Nadal.
- ³ Dis da ruaus publics ein tuttas activitads tenor artechel 4 e 5 dalla lescha dils dis da ruaus scumandadas, las qualas disturban il ruaus public. Specialmein astga ei buca vegnir luvrau sil territori dalla vischnaunca da Laax.

Dis da ruaus
publics

Art. 2

Fatschentas sil territori dalla vischnaunca da Laax astgan arver lur menaschi duront la stagiun (15 da zercladur tochen ils 31 d'uost e 15 d'october tochen 30 d'avrel) era ils dis da ruaus publics cun exepziun dils firaus religios.

Excepziuns

Art. 3

Naven da Venderdis sogn 02.00 uras tochen Sonda sontga 12.00 uras sco era dils 24 da december 02.00 uras tochen il di da Nadal 12.00 uras ein scumandadas tuttas occurrenzas da divertiment, da sault e da sport.

Ruaus public
l'Jamna sontga e
da Nadal

Musica el liber **Art. 4**
Musica en curtgin e sin terrassa astga haver liug mo tochen las 22.00 uras.

Canera da lavur **Art. 5**
Duront la stagiun astga ei vegnir luvrau cun maschinas che fan canera mo dallas 08.00 uras tochen las 12.00 uras e dallas 13.00 uras tochen las 18.00 uras.

Temps d'avertura
dallas stizuns **Art. 6**
Fatschentas sil territori dalla vischnaunca da Laax astgan vegnir aviartas regularmeins sco suonda:

- a) ils luvendis dallas 07.00 uras tochen las 21.00 uras;
- b) ils dis da ruaus publics (senza firaus religios) dallas 07.00 uras tochen las 18.00 uras.

Castitgs **Art. 7**
Cuntravenziuns e surpassaments da questa ordinaziun vegnan puni, aschilunsch ch'ei vegn buca applicau autras disposiziuns penals, cun castitg da frs 100.– tochen frs 500.–.

Entrada en vigur **Art. 8**
¹ Questa ordinaziun ei vegnida acceptada dalla radunonza communal dils 8 d'october 1999 ed entra en vigur retroactivamein per igl 1. da schaner 1999.
² Tuttas prescripziuns dalla vischnaunca da Laax che corrispundan buca allas disposiziuns da questa ordinaziun vegnan annulladas cheutras, specialmeins l'ordinaziun davart ils dis da ruaus sco era l'ura da polizia ella vischnaunca da Laax dils 28 d'october 1983.

Laax, 11 d'october 1999

Il president:
Vitus Dermont

Il scarvon:
Rest Giacun Coray